

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Disputatio Secunda De Religione Eclectica Seu Prudentum
ad Locum 1. Thessal. V.21**

**Hardtschmidt, Johann Nicolaus
Winter, Johannes Christoph**

Argentorati, 1705

VD18 11641991

Porisma IV

urn:nbn:de:bsz:31-105849

Porisma
IV.

PORISMA IV.

Examen autem hoc de iis quæ hactenus recensuimus, eoque modo & respectu ut dictum est, ad solam Scripturam Sacram instituendum est, tanquam regulam à DEO prescriptam, perfectam & sufficientissimam. §§. 13. 14. 15. Ostensum supra est, Scripturam Sacram esse normam, neque forte hic multum quis controvertet; sed si de perfectione dubium esse possit, textus noster eam adstruit: In quo enim omnia quæ probanda sunt, occurunt, & ad quod omnia probanda sunt, illud, tale sit necesse est, quod tanquam perfectum omnibus istis sufficiat; hoc vero esse Scripturam constat ex ante dictis, unde hanc habere perfectissimam sufficientiam, indubitate liquet. Neque hic aut credenda & quæ fidei sunt, aut facienda & quæ operum sunt, excipienda, aut separanda esse, superius demonstratum est. Ex hoc vero porrò constat, cum nec ratio, nec ea quæ oretenus tradita dicuntur; hæc omnia contineant, sed sola Scriptura; etiam non illa, sed solam scripturam normam & regulam veram & sufficientem esse: Traditionibus illa omnia non contineri, puto manifestum satis esse ex hypothesis eorum, qui Scripturæ illas adjungunt: rationem vero principium fidei & regulam non esse, neque puto illos asserere, quibus tanquam prudentibus peculiaris placet religio; quamquam, si quid ejusmodi statuant, aut cum Anti-Trinitariis aliisve in consortium pro principio & regula fidei, rationem adsciscere velint, hos non tantum textus noster, sed & Apostolus refellere possit. 1. Cor. 2, 14. Subiectum quod regulam adhibet, quodque eandem applicat, homo est, & ratio humana, non principium & regula ipsa; neque tamen ratio præter, sine, supra aut contra Scripturam cœca, superstitionis & sibi relicta; sed quatenus ex Scriptura & per Scripturam, tanquam medium ordinarium à Spiritu Sancto illuminata, facta est spiritualis & Spiritus Sancti ductum in verbo & juxta verbum Ipsius sequitur.

Porisma
V.

PORISMA V.

Hec tamen norma non obstar, quo minus & Symbola tanquam Scriptura conformia, ut testimonia nostra doctrine & regula quedam compen-